

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

KPDNHEP SEDIA LAKSANAKAN SOP FASA PERALIHAN ENDEMIK DEMI PEMULIHAN EKONOMI NEGARA DALAM SUASANA YANG LEBIH SELAMAT

PUTRAJAYA, 9 Mac 2022 – Kementerian Perdagangan Dalam Negeri dan Hal Ehwal Pengguna (KPDNHEP) menyambut baik pengumuman Perdana Menteri, YAB Dato' Sri Ismail Sabri bin Yaakob mengenai fasa '**Peralihan ke Endemik**' bermula 1 April 2022.

2. Fasa Peralihan ini merupakan *exit strategy* untuk membolehkan Keluarga Malaysia kembali semula kepada kehidupan dan aktiviti seperti biasa dalam norma baharu yang lebih selamat.
3. Komuniti perniagaan tentunya dapat menarik nafas lega dengan pengumuman ini berikutan pemansuhan had waktu beroperasi bagi premis perniagaan. Pemilik premis dibolehkan melaksanakan waktu operasi premis masing-masing mengikut syarat lesen operasi premis dan di masa yang sama memastikan pengudaraan yang baik di dalam premis. Ini bermakna semua premis peruncitan termasuk pasaraya, pasaraya besar, mini-mart, kedai runcit, pasar basah, pasar tani, pasar malam dan kedai makan boleh beroperasi sepenuhnya. Pembukaan sepenuhnya pastinya menjadi

pemangkin dalam merancakkan semula ekonomi negara secara keseluruhan khususnya sektor perdagangan dan pengedaran.

4. KPDNHEP menyokong penuh SOP mewajibkan pemakaian pelitup muka di tempat-tempat awam wajib dipatuhi kerana langkah itu masih diperlukan bagi membendung Covid-19 terutama varian Omicron yang mudah merebak. KPDNHEP akan memastikan bekalan pelitup muka dan Kit Ujian Kendiri Covid-19 (RTK) sentiasa stabil dan peniaga mematuhi harga maksimum yang telah ditetapkan Kerajaan.

5. Begitu juga langkah pencegahan dan pengesanan melalui pendaftaran kemasukan menggunakan MySejahtera perlu terus diwajibkan dan hanya dikecualikan untuk kawasan terbuka tidak sesak serta tiada perhimpunan orang ramai. MYSJTrace perlu terus diwajibkan untuk tempat tertutup yang dipenuhi tetamu/ pengunjung. KPDNHEP akan memastikan SOP ini terus dipatuhi oleh pengguna ketika mengunjungi premis perniagaan terutama sektor peruncitan dan pengedaran di bawah seliaan KPDNHEP. Sebagai makluman, peratus **pematuhan SOP Pelan Pemulihan Negara bagi sektor perdagangan pengedaran adalah tinggi sehingga 99.9% berdasarkan pemeriksaan di 1.088 juta premis dari 13 Mei 2020 hingga 8 Mac 2022.** Sejumlah 1,063 kes direkodkan bagi pelbagai kesalahan ketidakpatuhan SOP dan jumlah kompaun yang dikeluarkan pula adalah sebanyak RM5.267 juta sepanjang tempoh yang sama.

6. KPDNHEP berharap rakyat terutama komuniti perniagaan dan pengguna menyambut baik pengumuman ini dan menyokong kesemua sepuluh SOP Peralihan Ke Endemik agar negara segera kembali kepada

kehidupan dan aktiviti seperti biasa sebelum Covid-19 tetapi dalam norma baharu yang lebih selamat dan berdaya maju.

###

YB Dato Sri Alexander Nanta Linggi

Menteri Perdagangan Dalam Negeri dan Hal Ehwal Pengguna

Putrajaya, 9 Mac 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

